

Nuna najugaq ilinniakkap naammassereernerata kingorna


Ilinniarlutik naammassisartut amerliartortillugit nunanut allanut ilinniariartortartut aamma amerlaneriartuinnarput. Ilaatigut maani ilinniaqqiffit amerlasuut peqannginnerat pissutaalluni ilinniaqqinniarlutik aallartartut amerlanerupput. 2003-mut sanilliullugu maanna ilinniaqqinniarlutik aallartartut 45 pct.-inik amerlanerupput.

2017-imi ilinniarnermik aallussisut akornanni 35 pct.-it nunani allani ilinniartuupput. Ilinniarlutik naammassisut ilaat Kalaallit Nunaannut angerlartarpot ilaat nunanut allanut nunasisartut.

Nunani allani ilinniartut

2003-miit 2017-imut inuussutissarsiummik¹ nunani allani ilinniagaqarsimasut ilinniarnerup naammassineranit ukioq ataaseq qaangiukkaangat 63 pct.-it nunani allani najugaqartarsimapput. Taakkuningga 22 pct.-it ilinniaqqittarsimapput. Nalinginnaanerpaavoq ilinniartut bacheloritut naammassinikut kandidatinngorniartarnerat. Titartakkami 1-imi takuneqarsinnaavoq ilinniakkap naammassineranit ukiut marluk siullit ingerlaneranni ilinniaqqinnermik aallussisut amerlanerusartut. Ilinniaqqinnermik aallussisut ikiliartornera ilutigalugu Kalaallit Nunaannut utertartut amerliartorput.

Titartagaq 1. 2003-mit 2017-imut nunani allani ilinniakkamik naammassisut najugaqarfii



Nassuaat: Inuussutissarsiummik ilinniarnerit aamma ilinniaqqinnerit taamaallaat ilaapput.

Najoqtaaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNBD1>)

¹ Inuussutissarsiummik ilinniarneq inuussutissarsiummik ilinniarneruvoq imaluunniit inuussutissarsiummik ilinniaqqinneruvoq.

Nunani allani ilinniarlutik naammassisut 37 pct.-ii ukioq ataaseq qaangiukkaangat Kalaallit Nunaanni najugaqartarput. Ilinniarluni naammassereernerup kingorna ukiut ingerlanerini Kalaallit Nunaannut nuuttartut amerlatsikkiaartarpot, ilinniakkamik naammassinninnerup kingorna ukiut 8-t qaangiunnerini Kalaallit Nunaannut nuuttut amerlanerpaajusarput. Nunani allani ilinniarluni naammassinermi ukiut 8-t qaangiunnerini 56 pct.-it Kalaallit Nunaanni najugaqartarput.


Kalaallit Nunaannut utertartut amerlassusaat taamaaginnarpoq

Nunani allani ilinniarlutik naammassisartut ikinnerat eqqarsaatigisariaqarpoq ukiut ingerlaneranni sanilliussinermi. Nunani allani ilinniarlutik naammassisut ikinneri pissutigalugit ukiut pingasukkaarlugit agguaqatigiissitsisoqarpoq, kisitsisit ikikkaangata nikittoqalaaraangat inermerinik sunniingaatiartarnerat pinaveersaarnialugu.

Nunani allani ilinniarlutik naammassisimasut Kalaallit Nunaannut nuussimasut amerlassusaat ukiuni kingullerni nikippiarsimanngillat. Ilinniarluni naammassinermi ukioq ataaseq imaluunniit marluk qaangiunnerinit Kalaallit Nunaannut utersimasut amerlassusaat nikeralaarput. Ukiut pingajuanni Kalaallit Nunaannut utertartut amerlassusaat patajaannerulerput. 2003-miit 2005-imut nunani allani ilinniarlutik naammassisimasut Kalaallit Nunaannut utersimasut ukiunut tulliuttunut naammassisunut sanilliullugu amerlanerupput.

Nunanut allanut ilinniariartut amerlanerulersimagaluartut ilinniareerlutik Kalaallit Nunaannut utertartut agguaqatigiissillugu amerlassusaat allanngorsimanngilaq.

Titartagaq 2: 2003-mit 2014-imut nunani allani ilinniarlutik naammassisut akornannit Kalaallit Nunaannut utertartut amerlassusaat, ukiut pingasukkaarlugit




Kalaallit Nunaanni ilinniartut

Kalaallit Nunaanni ilinniartut

Kalaallit Nunaanni inuussutissarsiummik imaluunniit ilinniaqqinnermik naammassisut Kalaallit Nunaanni najugaqaannartartut nunani allani ilinniarlutik naammassisunut sanilliullugit amerlanerupput. Kalaallit Nunaanni ilinniarlutik naammassisut ukiut qulit qaangiunnerini 88 pct.-ii Kalaallit Nunaanni najugaqarput. Ilinniarluni naammassinermiit ukiut ingerlanerini ilinniarlutik naammassisut akornanni Kalaallit Nunaanni najugaqartut ikiliartortarput.

Titartagaq 1: 2003-mit 2017 Kalaallit Nunaanni ilinniarlutik naammassisut akornannit Kalaallit Nunaanni najugaqartut amerlassusaat



Nassuaat: Inuussutissarsiummik ilinniarnerit aamma ilinniaqqinnerit taamaallaat ilaapput.

Najoqquataq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNBD1>)

Ataatsimut isigalugu

Tabel 1: 2008-miit 2017-imut nunani allani ilinniarlutik naammassisut

	2008	2009	2010	2011	2012	2013	2014	2015	2016	2017
Inuussutissarsiummik										
ilinniarsimasut	13	19	14	24	10	23	18	21	20	24
Ilinniaqqissimasut	59	83	86	56	82	85	79	74	90	113
Katillugit	72	102	100	80	92	108	97	95	110	137

Tabel 2: Nunani allani ilinnialutik naammassisimasut ukiut 1-10 qaangiunneranni Kalaallit Nunaannut utertartut, 2008-2017

	2008	2009	2010	2011	2012	2013	2014	2015	2016	2017
Ukioq 1	31	23	38	32	30	44	41	30	46	45
Ukiut 2	33	33	49	36	34	51	40	39	53	.
Ukiut 3	39	37	49	42	40	50	48	42	.	.
Ukiut 4	40	40	58	48	41	57	51	.	.	.
Ukiut 5	40	47	55	45	43	57
Ukiut 6	41	49	55	47	46
Ukiut 7	41	47	56	45
Ukiut 8	40	52	60
Ukiut 9	42	49
Ukiut 10	38

Periaaseq

Siunertaq

Kalaallit Nunaanni ilinniaqqiffissat ikimmata, ilinniaqqinniartut amerlasuut nunanut allanut ilinniariartarput. Kisitsisitigut paasissutissat "Ilinniarluni naammassereernermi nuna najugarisaq"-p saqqummersinneqarneranut nunani allani ilinniarlutik naammassisut Kalaallit Nunaannut utertartut naammassisut akornanni amerlassusaasa ineriarornerisa malittarinissaat siunertarineqarpoq. Kisitsisitigut paasissutissanut ilanngunneqarput Kalaallit Nunaanni inuussutissarsiummik aamma ilinniaqqissimasut pillugit paasissutissat.

Paasissutissat tunngavigineqartut

2003-mit maannamut nunani allani ilinniarlutik naammassisimasut pillugit paasissutissat, nunani allani ilinniarnermk aallussisut pillugit paasissutissat nalunaarsuiffinniittut aamma innuttaasunut nalunaarsuiffit tunngavigalugit atorneqarput. Ilinniaqqinnerit tassaapput sivikitsumik ilinniaqqinnerit, bacheloritut/professionsbacheloritut ilinniarnerit aamma kandidatitut ilinniarnerit.

Periaaseq

31/12 nunani allani ilinniarlutik naammassisimasut aamma aallussisut pillugit paasissutissat aamma 1/1 innuttaasunut paasissutissat ataatsimoortillugit suliarineqarput.

Ilinniarluni naammassinermi ukiup ataatsip qaangiunnerani nunagisaq naatsorsorneqarpoq ima, ukioq x+1, innutaasunut paasissutissat tunngavigalugit aamma ilinniarlutik aallussisunut paasissutissani ukiup x-ip naanerani.

Nuna najugaqarfittut nalunaarutigineqarpoq uku tunngavigalugit:

Kalaallit Nunaat

Kalaallit Nunaanni najugaqartut innuttaasut nalunaarsuiffiannut nalunaarutigineqarsimasoq, nunami allami aallussilluni ilinniartutut nalunaarutigineqarsimanngitsoq

Nuna alla

Kalaallit Nunaanni najugaqartartutut innuttaasut nalunaarsuiffiannut nalunaarutigineqarsimanngitsoq, nunami allami aallussilluni ilinniartutut nalunaarutigineqarsimanngitsoq

Nuna alla
– ilinniarnermk suli
ingerlatsisoq

Nunani allami aallussilluni ilinniartutut nalunaarutigineqarsimasoq

Inuit innuttaasut nalunaarsuiffiannut nalunaarutigineqarsimanngitsoq toqunikuusimasinnaapput. Taakku nunami allami najugaqartutut nalunaarneqartarput.

Naatsorsuutit

Ilinniarluni naammassereernermi nuna najugarisaq pillugu kisitsisitigut paasissutissani ilinniarlutik naammassisimasut Kalaallit Nunaanni najugaqartut, nunani allani najugaqartut imaluunniit ilinniakkamik naammassinermiit ukiut 1-10 qaangiunnerini suli nunani allani ilinniartut naatsorsorneqarput. Kisitsisitigut paasissutissanut nunani allani aamma Kalaallit Nunaanni inuussutissarsiutigalugu ilinniartut aamma ilinniaqqittut ilanngunneqarput.

Amigaatit

Ukiut sanilliunnerini nunani allani ilinniarlutik naammassisut ikitsuinnaanerat eqqarsaatigineqassaaq.

Inuk ataaseq kisitsisitigut paasissutissanut arlaleriarluni ilanngunneqarsimasinnaavoq. Assersuutigalugu 2010-mi bacheloritut naammassisimaguni 2012-imilu kandidatitut naammassisimalluni.

Ilisarnaatinut nassuaatit

- ... Paasissutissat pigineqanngillat
- .. Paasissutissat tatiginangitsut ilisarinnilersitsisinaasulluunniit
- . Kisitsitaqarsinnaanngitsut
- 0 Affaanit mikinerusut
- Nul
- * Kisitsisaagallartut imaluunniit missingersuut

Saaffissaq

Randi Mortensen
E-mail: rand@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

